

A Mlle CÉSARINE VERDIER  
Que sian enfant !

Ya de moument que me repasse  
Li jour qu'ai passa proche tus,  
Es bèn en vèn que me tracasse  
Aquel bèou tèm vendrà papus.  
Y'a quicon mai, que me chagrina,  
Soungé qu'avièi rèn que vingt an :  
Tu n'aviès quinge... ô Césarina  
Que sian enfant !

Quand, de retour de ma journada,  
Attendieï l'oura daou soupà,  
Tiraves una poutounada  
Quand ta mèra nous vesié pa..  
Me disiès de cantà, cantave...  
Aou mendre signe de ta man  
M'aouriès fa batre en daou pu brave.  
Que sian enfant !

Quand anave en mi camarada,  
De tus parlave à tout prépaou,  
Me disièn : « *S'aco 's de durada,  
Moun chère àmi, n'en vendras baou!* »  
T'aourièi manja coum 'una pouma...  
A tus pamaï qu'en ye pensant  
Moun cur saoutava sai pa couma...  
Que sian enfant !

Lou dimènche, din la campagna,  
Quand nous anavian prouménà,  
Avian, ta mèra pèr coumpagna :  
Que l'avèn facha chagrina !  
Te fasièi, daou tèm que parlaves,  
Un gros bouquet de flou daou champ,  
Pèr me fachà lou refusaves...  
Que sian enfant !

Encara moun cur es pas vide,  
T'aime bèleou mai qu'una sur,  
Es pa poussible que t'aoublide  
Toun souveni fai moun bonur.  
Quand on es jouine l'on badina...  
Se yoi m'en vos, en ye pensant,  
Sounja toujours, ô Cesarina !  
Que sian enfant !

Henri DAULAUD  
Aigues-Vives 5 aout 1875